

陝西通志

第十四冊

陝西通志第五十三卷

名宦四

漢

胡建字子真河東人孝武天漢中爲渭城令治甚有聲值昭帝幼皇
后父上官將軍安與帝姊蓋主私夫丁外人相善外人驕恣怨故
京兆尹樊福使客射殺之客藏公主廬建將吏卒圍捕蓋主聞之
多從奴客往犇射追吏吏散走主使僕射劾渭城令游徼傷主家
奴建報無它坐蓋主怒使人上書告建侵辱長公主射甲舍門知
吏賊傷奴辟報故不窮審大將軍霍光寢其奏後光病上官氏代
聽事下吏捕建建自殺吏民稱冤至今渭城立其祠

漢書本傳

魏相字弱翁濟陰定陶人徙平陵舉賢良以對策高第爲茂陵令御
史大夫桑弘羊客詐稱御史止傳丞不以時謁客怒縛丞相疑其

有姦收捕案致其罪論棄客市茂陵大治

漢書本傳

龔勝楚人舉茂才爲重泉令病去官大司空何武執金吾閹崇薦勝

哀帝聞其名徵爲諫大夫

漢書本傳

轅豐建始間爲長安令治有能名擢司隸校尉

舊志

蔡勲陳留圉人平帝時爲郾令王莽遣人授厭戎連帥勲仰天歎曰

吾策名漢室死歸其正豈可事二姓哉遂携家屬逃入深山

續文獻通考

考

韓稜字伯師潁川舞陽人爲下邳令視事未周吏人愛慕時隣縣皆

電傷禾稜界獨無

漢紀

鄭興字少贛河南開封人建武九年左轉蓮勺令時郡縣荒殘興方

欲築城郭修禮教以化之嘗以事免遂不復仕

後漢書本傳

孔信字仲和魯人元和二年召臨晉令崔駰以家林藎之謂爲不仕

止僖曰子盍辭乎僖曰學不為人仕不擇官吉凶由已而由卜乎

在縣三年卒

後漢書本傳

楊琳爲茂陵令比縣連歲蝗災曲折不入茂陵

耆舊傳

景毅字交堅梓潼人司徒舉治劇爲高陵令立文學以禮讓化民

梓潼

志士女

段頗字紀明武威姑臧人好古學舉孝廉爲憲陵園丞陽陵令所在

有能政

後漢書本傳

嚴遵長安令治政嚴明遷揚州刺史當遷民遮道止之凡三遷輒不

得行

四川通志

王阜世公爲重泉令吏民向化鸞止學館阜使授官掾公沙墨爲張

雅樂擊磬鸞乃舉足垂翅應聲而舞

路史餘論

王侗字少林廣漢新都人舉茂才除郿令到官至釐亭亭長曰亭有

鬼數殺過客不可宿也。恠即入亭止宿。夜中聞有女子稱冤聲。恠曰：「有枉狀可前求理。」女子曰：「無衣不敢進。」恠便投衣與之。女子前訴曰：「妾夫爲涪令之官，過宿此亭。亭長無狀，枉殺妾家十餘口，埋樓下，悉盜取財貨。」恠問亭長姓名，女子曰：「即今門下游徼者也。」恠曰：「當爲汝理。」此冤勿復殺良善也。因解衣於地，忽然不見。明日召游徼詰問，具服罪，即收繫。及同謀十餘人悉伏辜，遣吏送其喪歸。

鄉里亭遂清安

後漢書
本傳

任頴永和間，郃陽令。時東西羌寇隴西，掠關中，殺長吏。頴追擊戰死。

馬志

曹全字景完，敦煌人。建寧二年，舉孝廉，除郎中，遷右扶風。槐里令遭同產弟憂，棄官。光和六年，復舉孝廉，拜郃陽令。存慰高年，撫育鰥寡，以家錢糴米粟賜賑。盲女桃斐等合七首藥，神明膏與有疾。

者咸瘳百姓襁負及者如雲戢治墻屋市肆列陳風雨時節歲獲豐年縣前遭白茆谷水災興造城郭開南寺門承望華嶽鄉明而治廣聽事官舍廷曹廊閣費不出民役不干時門下掾王猷等刊

石紀功

漢邵陽令曹景完碑

賈琮字孟堅東郡聊城人舉孝廉再遷爲京兆令有政理迹

後漢書本傳

袁遺字伯業紹從兄爲長安令河間張超嘗薦遺於太尉朱雋稱遺

有冠世之懿幹時之量

三國志本紀注

魏

倉慈字孝仁淮南人黃初末爲長安令清約有方吏民畏而愛之

三國志本傳

志本傳

晉

杜軫字超宗成都人除池陽令爲雍州十一郡最百姓生爲立祠得

罪者無怨言

晉書本傳

諸葛京亮孫隨才署吏後爲郾令

晉泰始起居注

尚書僕射山濤故事曰郾

令諸葛京祖父亮遇漢亂分隔父子在蜀雖不達天命要爲盡心

所事京治郾復有稱臣以爲宜以補東宮舍人以副梁益之論京

位至廣州刺史

三國志諸葛亮傳附

張輔字世偉南陽西鄂人初補藍田令不爲豪強所屈時彊弩將軍

龐宗西州大姓護軍張浚宗婦族也僮僕放縱爲百姓所患輔繩

之殺其二奴又奪宗田二百餘頃以給貧戶一縣稱之

晉書本傳

北魏

宋稚字季預敦煌人景明二年拜白水縣令在縣十一年頗得民和

魏書宋

繇傳

常景字永昌河內人延昌初元襄爲雍州刺史景除錄事叅軍帶長

安令甚有惠政民吏稱之

魏書本傳

北周

張仁蘊武帝時爲醴泉令有德政碑

金石集

隋

房恭懿字慎言洛陽人性沉深有局量達於從政開皇初吏部尚書蘇威薦之授新豐令政爲三輔之最上聞而嘉之賜物四百段恭懿以所得分給窮乏復賜米三百石恭懿又以賑貧人上聞而止之時雍州諸縣令每朔朝謁上見恭懿必呼至榻前訪以吏人之

術

隋書本傳

敬肅字弘儉蒲坂人開皇初爲安陵令有能名

北史本傳

王伽河間章武人開皇末爲雍令政有能名

隋書本傳

劉子翊彭城叢亭里人剛譽有吏幹爲新豐令有能名

北史本傳

高世衡渤海人櫟陽令有恩惠大業之末長吏多贓汙衡清節逾勵

風教大洽獄無繫囚爲吏人所稱

隋書魏德深傳

房彥謙字孝衡清河人大業九年監扶餘道軍隋政漸亂朝廷靡然變節彥謙直道守常介然孤立爲執政者所嫉出爲涇陽令未幾終於官時年六十七彥謙前後居官所得俸祿皆以周卹親友家無餘財車服器用務存素儉雖致屢空怡然自得嘗從容獨笑顧謂其子元齡曰人皆因祿富我獨以官貧所遺子孫在於清白耳

隋書本傳

王甫武德初爲醴泉令有善政賜帛五十段賞之

冊府元龜

楊德幹萬年令高宗朝有宦官恃寵放鵠不避人禾稼德幹杖之二十悉拔去鵠頭宦者涕泣袒背以示帝帝曰情知此漢寧何須記

他百姓

世說新語

郎餘慶定州新樂人爲吏清而刻於法高宗時爲萬年令道無拾遺

累遷御史中丞

唐書郎餘慶傳

李嗣真字承胄趙州柏人人調露中爲始平令風化大行

唐書本傳

薛訥絳州龍門人遷藍田令富民倪氏訟息錢於肅政臺中丞來俊

臣受賕發義倉粟數十斛賞之訥曰義倉本備水旱安可私一家

報上不與

唐書薛仁貴傳

虞獻武后時歷文昌左丞爲來俊臣所陷出爲西鄉令盡心邑事不

以左遷介意

賈志

李令質萬年令有富人同行盜繫而按之駙馬韋擢策馬入縣救盜

者令質不從擢乃譖之於中宗中宗怒臨軒召見令質奏曰臣必
以韋擢與盜非親非故當以貨求耳臣豈不懼權勢但申陛下法

死無所恨中宗怒解乃釋之朝列賀之曰設以獲譴流於嶺南亦

爲幸也

大唐新語

姜晦上邽人高陵令治有聲遷長安令人畏愛之

唐書姜晦傳

張敦江浦人自諸暨令轉重泉令民咸悅其化

蒲城縣志

韓遼咸陽令治興成渠渠當咸陽右十八里左直永豐倉秦漢故漕

渠成起咸陽抵潼關三百里無車輓勞則輟下牛盡可耕永利秦

中矣

唐書李石傳

韋濟鄭州陽武人開元初擢醴泉令修飭政事有治稱終馮翊太守

唐書韋

思謙傳

崔皎長安令邠王守禮部曲數輩盜馬府縣莫敢言者皎設法擒捕

羣奴潛匿王家皎命就擒之奴懼盡縊殺懸於街樹境內肅然

大唐

盧奕滑州黃門監懷慎少子天寶初爲鄆令所治稱最

唐書本傳

薛播河中寶鼎人開元天寶間擢進士第授武功萬年令溫敏而裕

與人交有常李棲筠常袞崔祐甫並器之

唐書本傳

蔣沆萊州膠水人乾元中歷盤屋咸陽高陵令美政流行長老紀焉

郭子儀軍出其縣敕麾下曰蔣沆賢令供億當有素得蔬飯足矣

毋撓其清也遷長安令

唐書蔣欽緒傳

房武盤屋令吏民思之

氏族大全

人稱其幼爲良子弟老爲賢父兄

舊志

裴均河東人盤屋令蒞政寬平人被其德

馬志

房啟河南人始爲鳳翔府參軍尚少人吏望見咸曰眞房太尉家子

孫轉澄城丞益自飭理同官憚伏遷萬年令果辨敏絕

賈志

梁鎮

昭應縣令

李國賴者以術士顯廣德初請度昭應南山作天華上宮

露臺大地婆父祠并三皇道君太古天皇中古伏羲女媧等各爲

堂皇給百戶掃除從之乃除地課工方歲饑人不堪命鎮上疏切諫以爲有七不可即劾國楨等動衆則得人興工則獲利祭祀則受祚主執則市權人神胥怨災孽並至臣昨受命有所安輯陛下許以權宜今所興造臣謹以便宜悉停帝從之

唐書王
璠傳

鄭叔敖滎陽人貞元元年授長安尉後宰澄城吏民信服訟簡役均人和歲稔民思慕之立石以識云

賈志

韋滌涇陽令貞元二年以滌起復饒州刺史滌理涇陽有政績故擢

焉

冊府
元龜

胡珣字潤博舉進士上第貞元十一年爲奉先令以治辦遷膳部郎

中

馬志

馮伋魏州元城人徙貫京兆第五經宏辭調長安尉三遷膳部員外於是醴泉令缺宰相高選德宗曰前使澤潞不受幣者其人清可

用也遂以授伉縣多器捐數犯法伉爲著諭蒙書十四篇大抵勸之務農進學而教以忠孝鄉鄉授之使轉相教督居七年韋渠牟

薦爲給事中

唐書本傳

韋紳卿涇陽令破豪家水碾利民田萬餘頃

馬志

武元衡字伯蒼武后族曾孫舉進士累爲華原令畿輔鎮軍督將皆驕橫撓政元衡移疾去德宗欽其才召拜比部員外郎

唐書本傳

薛珏字溫如河中寶鼎人累遷乾陵臺令終歲以清白聞課第一改

昭應令人請立石紀德珏固讓

唐書本傳

裴寰之下邽令元和間每歲冬以鷹犬出近畿習狩謂之外按宣徽

院供奉官爲其使令徒衆數百恃恩恣橫郡邑皆厚禮迎犒之恣其所便止舍私邸百姓畏如寇盜每留旬月方更其所是年冬行次下邽寰之但據文供饋使處公館杜其侵擾使者歸譖寰之有

慢言帝大怒將以不敬論裴度抗陳其事翼日釋之仍令視事冊府

元龜

王正雅字光謙并州晉陽人擢進士累遷萬年令威震豪彊唐書王翊傳

穆宗時京邑號爲難理正雅抑強扶弱政甚有聲會柳公綽爲京

兆尹於帝前褒稱帝命以緋衣銀章就縣宣賜遷戶部郎中冊府元龜

劉仁師彭城人長慶間爲高陵縣令有籌畫歷尹劇縣皆以能事見

陟旣令高陵初涇水東行注渠醴而爲三以沃關中後或壅遏不

行仁師同主簿譚孺直爲民更水道杜私竇以成四渠民遂名渠

曰劉公堰劉禹錫有碑記馬志

李行言涇陽令大中八年秋九月上獵苑北遇樵夫問其縣曰涇陽

人也令爲誰曰李行言爲政如何曰性執有強盜數人匿軍家索

之竟不與盡殺之上歸帖其名于寢殿之柱十月除海州刺史入

上賜之金紫取帖示之

通鑑

崔希高仁孝友悌遷馮翊令貧乏荷其仁恤時有雲氣如蓋當其廳

事須臾五色錯雜遍於州郭狀聞勅編入史

大唐新語

李君奭醴泉令大中九年春二月上校獵城西漸入渭水見父老一

二十人於村佛祠設齋上問之父老曰臣醴泉縣百姓本縣令李

君奭有異政考秩已滿百姓借留詣府乞未替兼此祈佛力也上

還宮於御宸上大書君奭名中書兩擬醴泉令上皆抹去之踰歲

以懷州刺史闕請用人御筆曰醴泉令李君奭可懷州刺史莫測

也君奭中謝宸旨獎勵始聞其事

東觀漢記

李頻字德新壽昌人擢進士第遷武功令畿民多籍神策軍吏不敢

繩以法頻至神策士尚君慶通賦六年不送悍然出入閭里頻密

擿比伍與競君慶叩縣廷質頻即械送獄盡條宿惡請於尹殺之

督所負無少貸豪猾大驚屏息奉法縣大治有六門堰者廢廢百五十年方歲饑頻發官倉庸民浚渠按故道廝水溉田穀以大稔

懿宗嘉之賜緋衣銀魚

唐書本傳

林慎思字處中莆田人歷興平尉爲萬年縣令會黃巢陷長安迫以

僞祿不屈罵賊死

賈志

李康漢陰令黃巢亂僖宗廣明元年出幸興元道中無供膳康以騾

負糗糧數百馱獻之從行宮眷軍士始得食

舊志

張松壽爲長安令時昆明池側有刼殺奉敕十日內須獲賊松壽至

行刼處尋蹤緒見一老婆子樹下賣食以從騎馱入縣供以酒食

經三日還以馬送舊坐處令一腹心人看有人共婆語即以捉來

須臾一人來問明府若何爲推遂即被布衫籠頭送縣一問具承

賊並獲時人以爲神功

朝野僉載